

又散花詞七言一十首

散花何處最花多 天上高天有大羅
花在此中生本異 况將瑞露慶雲和

右一

崑丘絕頂有龜臺 臺上奇花四序開

不是羣仙朝玉帝 何由散到世間來

右二

天上天花旦夕開 不同人世待春來

天花每有天人折 將獻層城日幾回

右三

瑤臺半夜露華滋 月帳朝真在此時

時有仙花空裏降 吹來玉宇奉金安

右四

五色奇葩降洞天 仰觀空裏勢翩翩

莫言仙境常時有 動是人寰億萬年

右五

仙花折得自仙宮 散在珍臺曉景中

玉闌有春春不老 瓊園受福福无窮

右六

羽客騎鸞在半天 下瞻珍館意乾乾

蓬萊折得花无数 散在珠庭黼座前

右七

上林花卉先春發 幽谷鶯聲尚未知

不遣常人攀折得 盡將福地奉真期

右八

洞中三十六天春 仙境由來異世人

採得名花何處去 將來宮館奉高真

右九

仙官真侶往還頻 去看蓬山閨苑春

每採芳華朝上帝 願均福佑及生民

右十

金錄齋三洞讚詠儀卷中

金錄齋三洞讚詠儀卷中

宋徽宗皇帝御製

鳥四

玉清樂一十首

玉清樂一十首

地居天上接空居 玉清樂萬象森羅通八區

玉清樂功用不知誰 主宰玉清樂絳霞丹霧

闕清都 玉清樂三清樂 右一

碧落空歌黍米珠 玉清樂十方勃勃入無餘

玉清樂聞經慶喜難言說 玉清樂九色龍騰

八景輿 玉清樂 玉清樂 右二

羽童呼吸辟非煙 玉清樂煙氣徘徊綠室前

玉清樂造化不從身 外得玉清樂自根自本

即三天 玉清樂 玉清樂 右三

帝景相將會 玉洲玉清樂 明真層觀紫雲浮

玉清樂掣開三八黃金鑠 玉清樂無極虛皇

在上頭 玉清樂 玉清樂 右四

白玉飛符下紫庭 玉清樂華樞三舉召羣靈

玉清樂攀條咀嚼空青藥 玉清樂五體金光

射日星 玉清樂 玉清樂 右五

遠昌臺下海揚波 玉清樂得道高真始得過

玉清樂下格小仙追莫及玉清樂邕邕蓬聽

八鷲和玉清樂玉清樂 右六

五色雲霞護體屯玉清樂三三洞戶啟瓊門

玉清樂何方道士通朱表玉清樂玉女飛函

達上尊玉清樂玉清樂 右七

上景三元妙色精玉清樂絳宮久已列仙名

玉清樂更從大恨存雌一玉清樂縹緲雲車

駕羽明玉清樂玉清樂 右八

真陽館裏氣徘徊玉清樂升降三宮客桂來

玉清樂生死不忤得世事玉清樂相將五老

上金臺玉清樂玉清樂 右九

三華太素自然生玉清樂空裏芙蓉灼灼明

玉清樂絳室金房處寶座玉清樂大微童子

下相迎玉清樂玉清樂 右十

上清樂一十首

紫清天上育華林上清樂絳宮朱柯竹葉深

上清樂咀嚼繁英身不老上清樂下觀鳥兔

換光陰上清樂上清樂 右一

元君八炁號青靈上清樂錦帳飛龍住玉城

上清樂把握帝符司道籍上清樂拔除塵累

濟羣生上清樂上清樂 右二

高上皇人宴紫霄上清樂擲芳常引八鸞條

上清樂肌膚表裏瑤瑤徹上清樂映照三塗

萬苦消上清樂上清樂 右三

九日宮中四老真上清樂廣霞山上宴仙賓

上清樂鳴鐘鼓瑟行靈醕上清樂碧霞融融

別有春上清樂上清樂 右四

浮絕山連白玉京上清樂金華樓共日華明

上清樂五真結就圓珠系上清樂骨伴丹瓊

貌侶嬰上清樂上清樂 右五

秀華峯下五靈都上清樂元景袖君握化樞

上清樂真火有功能造物上清樂銷鎔五毒

出陰途上清樂上清樂 右六

赫赫瞳瞳日九輪上清樂六淵官殿紫元君

上清樂霞冠錦幘端居暇上清樂披拂祥煙

著赤文上清樂上清樂 右七

佳炁青葱覆紫空上清樂青精羽駕命元童

上清樂逆風浩蕩三千里上清樂七返香煙

處處通上清樂上清樂 右八

流洳池中大寶蓮上清樂開花十丈映池泉

上清樂嗅香飲水無飢渴上清樂絳約金華

葉上仙上清樂上清樂 右九

萬仞霞山峙玉虛上清樂四司冠劍護靈都

上清樂衆真稽首持天禁上清樂腰佩仙皇

逸錄符上清樂上清樂 右十

太清樂一十首

太一元君掌列仙太清樂彤輝絳影射芝田

太清樂功圓會遇刊名籍太清樂可但洪崖

笑拍肩太清樂太清樂 右一

五節清香半夜焚太清樂天人玉女盡遙聞

太清樂味同炁合遙相應太清樂絳節霓旌

下五雲太清樂太清樂 右二

太極元君翠翻車太清樂萬魔奔走聽神符

太清樂九龍縱步齊躡首太清樂時見空中

吐火珠太清樂太清樂 右三

華珠官裏七言成太清樂十一神君一一名

太清樂雲擁蒼虬歸火府太清樂風隨素虎

出滄瀛太清樂太清樂 右四

金闕明光後聖君太清樂流津煥彩結丹雲

太清樂不因太上相傳授太清樂安得人間

有王文太清樂太清樂 右五

元景巖巒聳太空太清樂彭彭仙室在霞中

太清樂九靈變化俄離合太清樂羽駕飄飄

不可窮太清樂太清樂 右六

東井中涵皓月精太清樂羣龍奮擲運金甌

太清樂仙人灌沐知何代太清樂唯見玻璃

透骨明太清樂太清樂 右七

渺渺三津繞帝川太清樂川連紅霧霧連天

太清樂玉靈仙母時遊息太清樂侍衛森羅

日月軒太清樂太清樂 右八

九靈玉館接崑崙太清樂山隔流剛不可親

太清樂囑付紫蘭令說與太清樂紅塵何苦

弊精神太清樂太清樂 右九

左右靈飛運甲庚太清樂琳房八景鍊華精

太清樂常陽宴罷歸何處太清樂擲火流金

事尅成太清樂太清樂 右十

步虛詞一十首

太極分高厚 輕清上屬天 人能修至道

身乃作真仙 行溢三千數 時丁四萬年

丹臺開寶笈 金口為流傳 右一

大梵三天主 虛皇五老尊 尚難窺微妙

豈復入名言 寶座臨金殿 霞冠照玉軒

萬真朝帝所 飛鳥躡雲根 右二

濛濛如細霧 冉冉曳絳衣 妙遂祥煙上

輕隨綠鳳飛 幾陪瑤室宴 忽指洞天歸

竚立扶桑岸 高奔日帝輝 右三

旋步雲綱上 天風颯爾吹 飄飄凌斗柄

乘芳擗參箕 獅子銜丹綬 麒麟導翠輜

飛行周八極 幾見發椿枝 右四

綠鬢頽雲鬢 青霞絡羽衣 晨趨陽德館

夜造月華扉 搏弄周天火 韜潛起陸機

玉房留不住 却向九霄飛 右五

昔在延恩殿 中宵降九皇 六真分左右

黃霧透軒廊 廣內尊神御 仙兵護道場

孝孫今繼志 咫尺對靈光 右六

寶籙修真範 丹誠奏上蒼 冰淵臨兆庶

宵肝致平康 萬物消疵癘 三辰效吉祥

步虛聲已徹 更詠洞玄章 右七

究究神洲地 巍巍衆妙壇 鶴袍來羽客

鳧鳥下仙官 玉笋斟元醴 琅函啓太丹

至誠何以祝 四海永澄澗 右八

水嘆魔官備 燈開夜府明 九天風靜嘿

四極悉澄清 嘯咏朱陵曲 翱翔白玉京

至誠何以祝 國祚永安榮 右九

華夏吟哦速 人聲自抑揚 沖虛歸道德

曲折合宮商 殿閣沉檀散 樓臺月露涼

至誠何以祝 多稼永豐穰 右十

絳節徘徊引 天花散漫飛 高真無染著

片片不沾衣 右一

八陛旋瑤級 千花颺錦英 綠得弄紫椽

煥麗不知名 右二

淺淺黃金蕚 勺勺白玉英 天風隨御駕

吹滿九重城 右三

綽約縈空際 續紛落塵隔 韶華長不老

何處覓仙都 右四

淨侶吟仙曲 人人讚善哉 萬花典供養

飛舞自天來 右五

寶葉開琪圓 珍柯在紫微 不教蝴蝶採

長共綵鸞飛 右六

聖境三千歲 仙花始一開 如何金籙會

併奉列真來 右七

几席延廳馭 香燈建寶壇 丹心無可獻

碎錦灑雲端 右八

碧綠相差次 紅黃迭淺深 化工應自失

雕斲本何心 右九

洞寨爐煙起 無為道德香 同根無異氣

噴鼻更芬芳 右十

白鶴詞一十首

胎化靈禽啖九天 雪毛丹頂兩相鮮 世人莫

認歸華表來 瑞昇平億萬年 右一

瑤臺風靜夜初分 仰喙驚鳴露氣新 太液徘徊

歸未得 曾於往劫作麒麟 右二

靈鶴翩翩下太清 玉樓金殿晚風輕 昂昂不

與雞為侶 時作冲天物外聲 右三

三山碧海路非遙 來瑞清都下紫霄 霜雪羽

毛冰玉性瑤池深 處處靈苗 右四

金火純精見羽儀 長隨王母宴瑤池 玉壇夜

醮神仙降飛過 緱山人不知 右五

五雲宮殿步虛長 斗轉旋霄夜未央 白鶴飛

來通吉信清音齊 遂送真香 右六

一聲嘹唳九皋禽 換骨輕清歲月深 遼海等

閑人不識大羅天 上有知音 右七

白毛鮮潔映霜華 丹頂分明奪絳紗 千六百

年神燕就飛鳴長伴玉仙家 右八

蓬萊會散列仙歸 羽駕飄然白鶴飛 明代為

祥人慣見何須樂 府誅金衣 右九

玉宇沉沉瑞霧開 香風未斷鶴徘徊 奇姿會

與青田別定是仙人 次第來 右十

金籙齋三洞讚詠儀卷下

黃帝陰符經頌

元 陽 子 頌

神仙抱一演道章上

觀天之道執天之行盡矣

在天垂象化元精 至道沖和在杳冥

得一觀天無別行 太陽元旨盡分明

故天有五賊見之者昌

惠覺心通九一光 五星聚會入離鄉

若教浮世因修得 黃帝徒誇五賊昌

五賊在心施行乎天

五賊剋伏轉天關 次第分飛證九還

咫尺金華門豁啓 淮南王採不為難

宇宙在手乎萬化生乎身

妙手能持日月光 出身萬象卦牙黃

道之宇宙無瑕謫 不悟焉知坎裏陽

天性人也人心機也

天利人和宇宙同 人心至感道機通

靈元豈是無情物 得路焉知成有功

五天之道以定人也

天一陽光顯照西 木三青氣以為妻